



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

BILTEN

BR. 26

Informativne novine IZB u Švedskoj

NOVEMBAR 2016



NE ZABORAVIMO SVOJ IDENTITET
PRUŽIMO SVOJJOJ DJECI VIŠE OD IGRAČAKA

Aktivizam Bošnjakinja i Islamske zajednice Bošnjaka u Švedskoj



Bošnjaci su najbolje integrirani **stranci u Kraljevini Švedskoj**

ISLAMSKA ZAJEDNICA BOŠNJAKA BORÅS
BOSNISK ISLAMSIKA FÖRSAMLINGEN BORÅS

VAKUF FOND

OSTAVI TRAJNO DOBRO IZA SEBE!
PRIDRUŽI NAM SE!

BG: 5051-0049  123 213 61 58



M MOJ IDENTITET
E KTEB

SEKRETARIJAT
IZBUŠ

email: kontakt@izb.se
tel. 0520-49 90 64
mob.0763-10 2 447

Adresa:
BIS, Åkerssjövägen 10
461 53 Trollhättan
Radno vrijeme:
Radnim danom od 08:00
do 16:30m

NOVI PG: 73 88 14-3

Džemat
Borås

www.izb.se
Potražite nas i na facebook-u
Islamska zajednica Bošnjaka u
Švedskoj



UVODNIK



Mjesec je rebiu-l-evvel, mjesec, u kom se rodio posljednji Allahov poslanik Muhamed, a.s. Širom svijeta organiziraju se mevludi, akademije i druge manifestacije u povodu Poslanikovog rođendana.

U Kur'anu stoji: **"Vi u Allahovu poslaniku imate najljepši uzor."**

Radi toga bi ovaj mjesec, zapravo, trebao biti vrijeme u kojem dodatno treba da razmišljamo o Posalniku, a.s. Da što više čitamo njegov životopis. Da ga što bolje upoznamo, a onda ga u našim životima slijedimo. U tom slijeđenju veoma je važno da pravilno razumijemo njegov način života, odnosno sunnet. Nažalost, često griješimo u tome. S jedne strane, ima ljudi koji kažu da je Muhamed, a.s., živio davno i da je slijeđenje njegovog načina života prevaziđeno.

S druge strane, ima i onih koji više pažnje posvećuju nekim formalnim stvarima iz njegova života, koje su odraz jednog vremena i jednog prostora, a zapostavljaju suštinski sunnet.

A Poslanikov, a.s., sunnet je: permanentno učenje, odgovoran odnos prema preuzetim obavezama, briga o bližoj i daljnjoj rodbini, skromnost, darežljivost, uvažavanje drugog i drugačijeg, strpljivost i još mnogo toga što nam je Poslanik, a.s., ostavio u amanet.

Slijeđenjem ovog sunneta priskrbit ćemo sebi sreću na Ahiretu, ali ćemo time olakšati sebi život i sreću na ovom svijetu.

I na kraju, uz dovu Allahu, dž.š., da nam pomogne da budemo istinski sljedbenici Muhameda, a.s., navodimo hadis u kojem se kaže:

"Moji sljedbenici su poput kiše, ne zna se da li im je bolji početak ili kraj."

Idriz-ef. Karaman

Sjednice

Održane sjednice IO IZBUŠ i Savjeta glavnog imama

Konferencija

Konferencija o maternjem jeziku



Seminar

Seminar za aktivne članice džemata IZB u Švedskoj



Aktuelnosti

Tribine u džematima



Aktuelnosti

Stockholm: Otvoren pomoćni objekat

Promocija

Promocija Pravopisnog priručnika bosanskog jezika

Hutba

Hutba, reisu-l-ulema mr.Husein-ef. Kavazović



**KÄNNER DU TILL
DEN ANDLIGA VÅRDEN
PÅ SJUKHUS FÖR
MUSLIMER?**

MUSLIMSKSJUKHUSKOORDINATOR.SE

Bemuf

ODRŽANA VIDEO SJEDNICA IZVRŠNOG ODBORA IZB U ŠVEDSKOJ



U nedjelju, 4. decembra 2016. godine održana je video sjednica izvršnog odbora Islamske zajednice Bošnjaka u Švedskoj.

Pored redovnih izvještaja i drugih aktuelnih pitanja, na sjednici je donesena odluka da se Skupština za 2017. godinu održi 18. marta 2017. godine. Određeni su rokovi za pripremu materijala, a džematima i Bemufu će biti ponuđena organizacija ovog skupa.

Na sjednici je formirana i komisija za izradu elaborata za vakufski fond, kao i fond solidarnosti.

Ponajviše vremena posvećeno je problemu nepriznavanja članarine IZBUŠ u nekim medžlisima u BiH, te odlučeno da se Rijasetu uputi dopis u kojem će se zatražiti što hitnije rješavanje ovog problema.

Na kraju je Izvršni odbor donio odluku da već 12. decembra održi novu video sjednicu. Na ovoj sjednici bit će govora samo o Nacrtu Pravilnika o srednjem nivou organizacije Islamske zajednice u BiH.

I.K.

ODRŽANA SJEDNICA SAVJETA GLAVNOG IMAMA

U ponedjeljak, 5. decembra 2016. godine, u Halmstadu je održana sjednica Savjeta glavnog imama Islamske zajednice Bošnjaka u Švedskoj.

Na sjednici je prvo analiziran izvještaj sa hadža, u kojem je izraženo zadovoljstvo ovogodišnjom organizacijom i date smjernice za buduće aktivnosti na ovom planu.

Nakon toga je analizirana organizacija takmičenja polaznika mektebske nastave. I ovdje izraženo zadovoljstvo rezultatima i organizacijom, te odlučeno da se takmičenje za narednu godinu održi 22. maja. Novina će biti takmičenje u Kur`anu, a bit će ponuđeno i takmičenje srednjoškolaca.

U nastavku sjednice diskutiralo se o izvještaju o radu za ovu godinu i planu rada za narednu godinu.

Na kraju je Savjetu glavnog imama predstavljen Nacrt Pravilnika o srednjem nivou organiziranja Islamske zajednice u Bosni i Hercegovini.

I.K.

Broj potpisanih pristupnica u džematima IZBUŠ		
	15-10-31	16-10-31
Malmö	1389	1470
Stockholm	1121	1206
Göteborg	718	873
Borås	685	701
Norrköping	552	616
Skövde	505	553
Gislaved	407	427
Helsingborg	406	433
Landskrona	403	440
Trollhättan	308	320
Jönköping	287	336
Linköping	270	321
Trelleborg	245	290
Växjö	237	235
Halmstad	204	246
Örebro	160	171
Motala	150	174
Surte	79	97
Varberg	56	73
Västerås	38	53
Vetlanda	34	107
Karlstad	25	40
Värnamo	21	37
Kalmar	0	7
Oskarshamn	0	5
Karlskoga	0	0

KONFERENCIJA O MATERNJEM JEZIKU U ŠTOKHOLMU



Saradnici u organizaciji konferencije su Bemuf, Ambasada BiH u Švedskoj i APU Network. Veliku podršku i saradnju u organizovanju ove konferencije dala je Ambasada BiH u Stockholmu.

Na konferenciji su učestvovali i predstavnici Ministarstva civilnih poslova, Ministarstva za ljudska prava i izbjeglice, te Ministarstva vanjskih poslova. Ukupno 22 institucije i organizacije iz Švedske, Bosne i Hercegovine, Norveške i Danske je učestvovalo u radu konferencije.

Uspješnosti konferencije ponajviše je doprinjela četveročlana delegacija Instituta za jezik pri Univerzitetu u Sarajevu na čelu sa direktorom prof. dr. Alenom Kalajdzijom. Veoma zapažena predavanja održali su predstavnici Instituta za švedski i višejezičnost.

Svi predavači su se složili da je izučavanje maternjeg jezika veoma važno te da je naučno dokazano da djeca koja uče maternji jezik ostvaruju bolji uspjeh i u ostalim švedskim predmetima.

Osnovni zaključak konferencije je da se u rad na očuvanju i učenju maternjeg jezika u Švedskoj pored bh saveza trebaju obavezno uključiti institucije iz naše domovine i Ambasada BiH u Švedskoj

Osim toga zaključeno je da trebamo nastojati da se izučavanje maternjeg jezika reguliše zakonski na način da maternji jezik bude obavezan u nastavi u osnovnim školama.

U radu konferencije ispred IZBUŠ su učestvovali: Sakib Kenjar, Fadila Jašarević, Mustafa-ef. Šetkic, Asmer Ibrović, Mirsad Bektašević i Jasmin Dervišević.

U Štokholmu je 19. i 20. novembra uspješno završena konferencija - Maternji jezik i višejezičnost kao ključ razumjevanja. Pokrovitelj konferencije je NBV, a za uspješnu organizaciju su se pobrinule četiri bh organizacije članice NBV-a: Islamska zajednica Bošnjaka u Švedskoj, Savez bosanskohercegovačkih udruženja u Švedskoj, Bosanskohercegovački savez žena u Švedskoj i Bosanskohercegovačko-švedski savez žena.

Konferencija je imala za cilj da izučavanje maternjeg jezika postane dugoročna tema u svim krugovima naših građana koji žive u Švedskoj. Konferencija je dio projekta "Maternji jezik u fokusu" koji je pokrenut od četiri bh. organizacije, članice NBV, u saradnji sa NBV -om i Institutom za jezike iz Sarajeva. Pokretanju projekta je prethodila izrada "Pravopisni priručnik bosanskog/hrvatskog/srpskog jezika sa osnovama gramatike za bosanskohercegovačko iseljništvo" namjenjenog prije svih građanima Bosne i Hercegovine koji žive izvan svoje domovine.



D.J

SEMINAR ZA AKTIVNE ČLANICE DŽEMATA IZBUŠ

Od 4-6. novembra 2016. Bosanska islamska zajednica u Stockholmu bila je domaćin Seminara za aktivne članice džemata Islamske zajednice Bošnjaka u Švedskoj.

Seminar je organizovao Izvršni odbor IZBUŠ, u suradnji sa trezvenjačkom organizacijom NBV.

Tema seminara je bila: "Žene u našim džematima - žene u vjerskim organizacijama"

U toku seminara diskutovane su teme:

- "Sloboda vjere i demokratije"
- "Vjerske organizacije su važan dio društva"
- "Više žena na odgovornim funkcijama"

Predavači na seminaru su bili:

- Idriz-ef. Karaman, glavni imam IZBUŠ
- Doc. dr. Zehra Alispahić, profesorica arapskog jezika na FIN-u
- Mr. Sabrija Mehmedović, iz Muftijstva sarajevskog
- Fadila Jašarević, član IO IZBUŠ

Glavni imam je nadahnuto govorio o značaju i ulozi žene u svjetlu Kur`ana i prakse Poslanika, s.w.

Rekao je, također, da mnogi u islamskom svijetu ne poštuju ženu na način kako to traži naša vjera. Puno je neobrazovanih, čak i nepismenih u muslimana. Preporuka je svim učesnicama da pročitaju prijevod kur`anske sure En-Nisa /Žene

Doc. dr. Zehra Alispahić je govorila o: pluralizmu, demokraciji, ljudskim pravima, religiji i medijima a u diskusiji sa učesnicama obrađena je i tema povratak religije u sferu javnog života. Također, uvažena profesorica je u svjetlu iskustva i prakse govorila o ženi u Islamskoj zajednici BiH stanju i perspektivi.

Mr. Sabrija Mehmedović je u cilju razumijevanja svih naših identiteta, vjeru, kao vrijednost koju živimo, stavila na prvo mjesto, a u diskusiji sa učesnicama razgovaralo se o uzorima u našoj svakodnevnici.

Osim toga, imali smo priliku čuti i predavanje na temu "Porodica, brak i ženski aktivizam i IZ BiH".

Fadila Jašarević je u svom izlaganju predstavila aktuelnosti iz IZBUS te saradnju sa NBV-om. Aktuelno iz IZBUŠ, između ostalog, je inicijativa za izmjene i dopune Statuta IZBUŠ. To je prilika da normativnim aktima Zajednice i džemata regulišemo rad i organizovanje žena u džematu i Zajednici uopšte. Predstavljeni su konkretni prijedlozi za izmjene i dopune statuta.

Saradnja sa NBV je razmatrana u pogledu naših prava, obaveza i mogućnosti prema ovoj organizaciji, čiji smo punopravni član i jedna od organizacija-vlasnica.

U toku obrazovnog dijela seminara prikazan je dokumentarni film Murside, koji govori o aktivizmu žena u Maroku.

Opšta ocjena učesnica seminara je da seminar za aktivne žene naših džemata bio uspješan, kako po pitanju organizacije tako i po pitanju odabira predavača i gostiju te obrađenih tema. Inače, na seminaru su učestvovalе predstavnice iz 14 džemata naše Zajednice.

Koristimo priliku da se zahvalimo našim gošćicama iz Sarajeva doc. dr. Zehri Alispahic i mr. Sabriji Mehmedović na izuzetno dobrim predavanjima i uspješno vođenim diskusijama sa učesnicama seminara. Ujedno se zahvaljujemo svim učesnicama seminara na njihovom ličnom angažovanju i doprinosu uspjehu ovog seminara, kao i za lijepu atmosferu i toplu sestrinsku ljubav.



Džemat Halmstad

Dana 04.11., u prostorijama Džemata u Halmstadu održana je džematska tribina na temu : "Moj život, moja odgovornost!"

Gost predavač bio je Smajo-ef. Šahat, imam našeg džemata u Skövdeu.

Posjeta muftije banjalučkog džematu Norrköping



U subotu, 26. novembra 2016. godine, u organizaciji našeg džemata i NBV-a u posjeti džematu Norrköping bio je muftija banjalučki dr.Osman-ef. Kozlić.

Program je počeo u 18:00h sa klanjanjem jacije namaza kojeg je predvodio muftija banjalučki. Poslije jacije muftija je održao predavanje u kojem je posebno naglasio važnost međusobnog poštivanja muslimana kao i djelovanje svakoga u krugu svoje odgovornosti.

Džematlije su iskoristile priliku da nakon zvaničnog dijela programa razgovaraju sa muftijom o aktuelnim pitanjima i problemima sa kojim se suočavaju muslimani u švedskom društvu.

Hfz. Jusuf-ef. Horozović

INFORMACIJA O RADU U 2016.GOD.



Aktivnosti

Skupština i Konferencija u Halmstadu

Godišnja skupština i Konferencija za lokalne organizacije Bemufa je održana od 26. do 28. februara u Gullbrannagårdenu kod Halmstada. Osim predavanja također su održane i razne druge aktivnosti.

Iftari u Halmstadu, Gislavedu i Norrköpingu

Tri zajednička iftara su održana tokom mjeseca ramazana u gradovima: Halmstad, Gislaved i Norrköping.

Ljetni susret u Katrineholmu

Ljetni susret je održan od 2. do 4. septembra u Katrineholmu i bilo je prisutno oko 120 članova Bemufa. Pored predavanja održane su i razne aktivnosti.

Mini susret u Göteborgu

Od 29. do 31. oktobra održan je susret za sve članove Bemufa u Göteborgu, u džematskim prostorijama Bošnjačke islamske zajednice Göteborg.

Projekat

Bemuf je pokrenuo projekat pod nazivom "De yttersta konsekvenserna". Cilj projekta je da dokumentuje i objavljuje informacije o genocidu koji je izvršen nad Bošnjačkim narodom u Srebrenici i drugim dijelovima Bosne i Hercegovine.

Projekat je planiran da se realizuje u 2016. i 2017. godini.

Više informacija možete pronaći na internet stranici: <http://deytterstakonsekvenserna.se>.

Takmičenja

Realizovano je takmičenje "Učlani prijatelja" sa ciljem masovnijeg učlanjenja omladine u članstvo Bemufa. Takmičenje je trajalo do juna. Pobjednicima su dodijeljene nagrade.

Pristupnice

Za 2016. godinu članstvo Bemufa do 23. novembra broji 2 353 člana.

Ostalo

11 lokalnih organizacija su dostavili Bemufu svu potrebnu dokumentaciju i dobile ekonomsku pomoć za 2016. godinu. Preostalih 10 lokalnih organizacija nisu ispunile tražene uslove i zato ostaju bez finansijske pomoći za 2016.g.

DŽEMAT ŠTOKHOLM: SVEČANO OTVORENJE POMOĆNOG OBJEKTA

U petak, 25.11.2016./25.02.1438. upriličena je mala ceremonija svečanog otvaranja pomoćnog objekta naše džamije – modula. Od sada bi to trebala biti DIVANHANA – zgrada uprave, administracije i druženja džematlija.

Protokol je počeo historijskim časom o Danu državnosti koji je održan prije džume namaza. Potom je proučen jasin-i-šerif a pred sami ezan se džematu obratio član upravnog odbora Mirsad Bektešević dipl.ing., koji je džematu poručio sljedeće:

”Želim vam danas s ponosom saopćiti da smo od odjela za izgradnju grada Stockholm dobili dozvolu za ulazak u novi objekat tj. module. Moduli su površine od oko 110 kvm i sastoje se u većem dijelu od prostora koji je namijenjen nama džematlijama u kojem je izgrađena i nova kuhinja. U svom manjem dijelu se objekat sastoji od dvije veće kancelarije te i od tzv. tehničkog prostora.

projekat gradnje tj. dogradnje naše lijepe džamije. Uvakufilo se, elhamdulillah, tu, ako Bog da, i više od 500 radnih sati. Naravno bez ikakve novčane nadoknade.

Želim takođe istaći da u ovom projektu nikako nisam bio sam. Od posebne pomoći su mi u ovom procesu bili Mustafa ef. Šetkić; Merzuk efendija, te naš džematlija gospodin Enes Delić na čemu im se posebno zahvaljujem. S toga mi je želja da upravo sa njima danas poslije džume namaza zvanično presječemo traku te da na taj način i uđemo u module.

Htio bih pomenuti da smo imali firmu koja nam je ovaj ako Bog da hairli posao obavila na solidan način. Zato ne mogu a da ne pomenem predstavnike firme INTIGO, naše džematlije Sejfu i Mirsada Gigovića koji su pokazali da hoće, znaju i umiju raditi za zajednicu i to sa puno elana, susretljivosti i interesovanja. Zato se i njima zahvaljujem na lijepo obavljenom poslu.



Neka je ako Bog da hairli!
Kako nama, tako i našoj djeci!

Vaš džematlija
Dipl. Ing. Mirsad
Bektešević.

Na kraju, želja mi je da proučimo jednu Fatihu za svu našu braću iz Bosne i Sandžaka zbog čije nesebične požrtvovanosti danas i možemo otvarati džamije po svijetu, kretati se slobodno i posjetiti našu nam dragu domovinu kad

Ovim smo ostvarili jedan od ciljeva koji je Upravni Odbor naše zajednice postavio prije punih 15 mjeseci.

Što se tiče mene samog s ponosom mogu reći da sam presretan što me Allah Svemogućí počastio da vodim ovaj

god to zaželimo. Za dušu svih onih koji su, po mom mišljenju, puni bolji od nas samih. Naših šehida.”

PROMOCIJA PRAVOPISNOG PRIRUČNIKA BOSANSKOG JEZIKA



Nedjelja, 20. novembar 2016. (20. safer 1438.), poslije jacije namaza (17:30), džamija Bromsten, Stockholm.

Promotori i gosti:

- Dr. Alen Kalajdžija (direktor Instituta za jezik) - historija bosanskog jezika,
- Mr. sci. Aida Kršo - savremeni jezik i jezička praksa,
- Hadžem Hajdarević, književnik - bosanskohercegovačka književnost,
- Muhidin Čolić, projekt koordinater - organizirano djelovanje kao uvjet opstojnosti bosanskog jezika u bh. iseljeništvu.

O PRAVOPISNOM PRIRUČNIKU

1. Pravopisni priručnik bosanskog/hrvatskog/srpskog jezika sa osnovama gramatike namijenjen je, prije svega, bh. dijaspori u svijetu, odnosno, prvenstveno, učenicima i nastavnicima koji uče maternji jezik u nekoj od zemalja gdje trenutno borave. Primarna zadaća udžbenika jest jačanje svijesti naših ljudi u inozemstvu o maternjem jeziku, kulturi,

identitetu, tradicijskim vrijednostima bosanskohercegovačkog društva, te poboljšanju, usvajanju što boljih izražajnih mogućnosti na jeziku svojih roditelja i svoje tradicije.

2. Ovo je prvi Pravopis bosanskog/hrvatskog/srpskog jezika u novijoj historiji bh. državnosti koji je namijenjen bosanskohercegovačkom stanovništvu u dijaspori u cjelini i koji institucionalno podržan od strane bosanskohercegovačkih državnih struktura (Ministarstvo za ljudska prava i izbjeglice BiH, Ministarstvo inostranih poslova BiH i Ministarstvo obrazovanja i nauke Federacije BiH) i, što je ponajvažnije, iza Projekta u stručnom smislu stoji JNU Institut za jezik – Sarajevo, kao nosilac izrade Pravopisnog priručnika i kao partner u njegovu izdavanju. Udžbenik je svojevrsna jezička mapa Bosne i Hercegovine.

3. Realizacija Projekta planirana je u jedanaest zemalja koje ujedno predstavljaju zemlje s najvećom koncentracijom stanovništva bosanskohercegovačkog porijekla: Turska, Norveška, Švedska, Danska, Njemačka, Holandija, Švicarska, Austrija, SAD, Kanada i Australija.



REISU-L-ULEMA: NAŠA JE OBAVEZA DA SE SUPROSTAVLJAMO AGRESIVNIM IDEOLOGIJAMA

Reisu-l-ulema Islamske zajednice u Bosni i Hercegovini, u okviru posjete Mešihatu IZ u Sloveniji, predvodio je džumu namaz i održao hutbu u Ljubljani. Hutbu reisu-l-uleme Kavazovića prenosimo u cijelosti:



Hvala Allahu. Njemu se zahvaljujemo, od Njega pomoć i oprost tražimo. Njemu se utječemo od poroka i ružnih djela naših. Onoga koga Allah na pravi put uputi – niko u zabludu ne može odvesti, a onoga koga On u zabludi ostavi – niko na pravi put ne može uputiti.

Svjedočimo da je samo Allah Bog i da je Muhammed Njegov rob i Njegov poslanik, koga je On uistinu poslao da radosnu vijest donese i da opomene, prije nego što nastupi Sudnji dan.

Uzvišeni Allah je objavio Muhammedu, a.s.:

O Vjerovjesniče! Mi smo tebe poslali kao svjedoka, i kao donosioca radosnih vijesti, i kao opominjača, i kao onoga koji s Njegovom dozvolom pozivaš Bogu, i kao svjetiljku koja obasjava. Obraduj vjernike da će Bog na njih prosuti veliku milost, a ne slušaj nevjernike i licemjere. Ne obaziri se na njihovo uznemiravanje. Pouzdaj se u Boga, jer Bog je dovoljan kao zaštitnik. (Al-Ahzab, 45-48)

Draga braćo i sestre.

Mjesec je rebiu-l-evel, u kojem se sjećamo rođenja vjerovjesnika Muhammeda, a.s. U našoj muslimanskoj tradiciji, ovaj mjesec nazivamo mevludskim i u njemu naviru osjećanja ljubavi prema posljednjem Allahovom Vjerovjesniku.

Njime je Allah upotpunio vjeru. Pored Njegova svjetla nema dru-

gog svjetla i sve su svjetiljke ugašene, osim Muhammedove. Razumjeti i živjeti vjeru onako kako ju je živio i razumijevao Muhammed, a.s., najveći je izazov. To nije lahak put, bez izazova i poteškoća, bez uznemiravanja (ezijeta) i prepreka, neprijateljskih i šejtanskih podmetanja i objeda. To je put strpljenja, ustrajnosti, privrženosti i pouzdanja u Boga, Koji je dovoljan Zaštitnik u svemu.

Poštovani vjernici,

Naše htijenje u izvršavanju islamskih dužnosti u stalnoj je kušnji. Zato nam se valja truditi da ono ne splahne i da ne posustanemo. Muslimanu i muslimanki valja bdjeti nad vlastitom duhovnošću, onako kako je to Poslanik, a.s., preporučio Sufjanu Es-Sekafiju, jednom od svojih ashaba, koji ga je pitao: "Allahov Poslaniče, reci mi nešto o islamu, poslije čega se neću morati obraćati drugima". On mu je odgovorio: "Reci: 'Vjerujem u Allaha' i budi postojan u svojoj vjeri."

Ustrajnost u obavljanju poslova i dužnosti kojima održavamo našu biološku i duhovnu egzistenciju preduslov je našega postojanja na dunjalučkom svijetu i pripreme za vječni boravak na Ahiretu.

Vjera se potvrđuje u svakodnevnom životu i samo onda kada je rezultat pokornosti Bogu djelo dobiva puni smisao. Samo preko vjerovanja, rada, iskrenog nijeta i stalnog zalaganja moguće je steći satisfakciju i stići u džennetsku vječnost. Istinska vjera se podjednako očituje i dobročinstvom roditeljima, i čuvanjem od grijeha, i ispunjavanjem obaveza, i održavanjem komšijskih veza, i jačanjem pravedne zajednice vjernika i dr.

Najizravniju brigu za duhovnost pokazujemo obavljanjem namaza, zikrova, posta, izdvajanjem zekata iz imovine, obavljanjem propisanog hadža, brigom za porodicu, rodbinu i prijatelje...



U izvršavanju naših dužnosti najvažnije je slijediti jasne Allahove upute, sadržane u Njegovoj objavi Kur'ani Kerimu i sunetu Njegova Poslanika, a.s., koji nam je svojom praksom put islama učinio jasnijim i lakšim.

U cijelom Poslanikovom, a.s., vjerovjesničkom hodu jasan je uvijek isti zahtjev: musliman svoje svakodnevno ponašanje dovodi u vezu sa svojim vjerskim osvjedočenjem (šehadetom). To su dva pola jedne cjeline. Iz vjernikove iskrene i duboke vjere proizlazi njegova stalna težnja da dobro nadvlada zlo, i u njegovu životu, i u životu njegove porodice i društva kojem pripada. Ta plemenitost cilja je uvijek dominantna i vjernik joj se bezuslovno predaje.

Međutim, danas nam i s vjerskim osjećanjima valja postupati oprezno. I ta osjećanja u sebi mogu nositi zamke i opasnosti. Moramo se čuvati sljepoće u vjerovanju, fragmentiranja vjere i zastaranjavanja u vjeri. Kod Allaha je priznat islam, kao čisti monoteizam i kodeks ponašanja koji se razumijeva u svojoj punini i univerzalnosti svojih poruka.

Svjedočenje vjere i njenih univerzalnih poruka, izbjegavanje krivih tumačenja, kao i onih koja su proizvod određenog historijskog trenutka, treba da bude stalna obaveza zajednice muslimana, a uleme posebno. Mi moramo biti oprezni kod prihvatanja stavova i tumačenja islama koja su pomutila čistotu našeg pristupa vjeri. Putevi koji nam se nude neće nas uvijek odvesti na izvor.

Poslanik, a.s., jasno je kazao kakva je njegova uloga među nama: „Poslan

sam da usavršim moral ljudi.“ I još je kazao: „Olakšavajte, a ne otežavajte, pružajte nadu, a ne udaljujte ljude (od sebe).“

Dugi niz stoljeća nada čovječanstva bila je položena u ruke muslimana. Moramo prizvati u sebe duh Muhammedove, a.s., poruke na način kako su to činili naši preci. Vjerujem da je naše dostojanstvo i dalje u univerzalnim porukama islama. Ako ih oživimo u sebi i oko sebe, zadobit ćemo samopouzdanje i poštovanje drugih.

Draga braćo i sestre!

Živjeti moralno i potpuno jasno i otvoreno zagovarati ono čemu nas uči naša vjera obrazac je po kojem mi muslimani u Evropi imamo šansu da budemo razumljeni i prihvaćeni. Naravno, povjerenje drugih se mora zaslužiti. Nije li Allahov Poslanik upravo to savjetovao jednom od svojih ashaba koji ga je upitao za najbolje postupke u islamu, kako to prenosi Abdullah b. Amr: „Da pomogneš siromasima i da nazivaš selam (širiš mir), kako onome koga poznaješ, tako i onome koga ne poznaješ.“ (Buhari, Isti'zan, 10)

Istina, uvijek će biti onih koji će rušiti mostove koje budemo gradili s našim okruženjem. No, to nas ne smije obeshrabriti u našoj postojanosti, kako nas je Poslanik, a.s., učio. Mi bosanskohercegovački muslimani mogli bismo biti uzor i primjer kako se nosi svoj teret. Iskušenja su mnoga, ali i Božije obećanje uvijek stoji na kraju našeg puta. Allah neće dozvoliti da trud vjernika propadne, bilo muškarca ili žene, stoji u Kur'anu.

Ovdje, braćo i sestre, imate svoj dom i utočište. Ovdje podižete svoje porodice u miru i harmoniji sa sredinom u kojoj živite. Ako budete našli mira u svom srcu naći ćete mira i u srcima drugih ljudi. Ako u vama bude ljubavi za drugoga bit će i razumijevanja za vas. Nemojte nikada zaboraviti savjete koje nam je dao Vjerovjesnik, a.s.: najbolji od vas je onaj koji najviše koristi ljudima.

Natjecati se u dobru i dobročinstvu je smisao naše vjere. Ovdje gradite džamiju, zajedno sa vašim muftijom. To je vaša zajednička kuća, dom za generacije koje će se ovdje roditi i po kojoj će ih poznavati. Ovo je blagoslovljeno vrijeme za ovu zajednicu i ovu generaciju muslimana. Nemojte propustiti priliku da budete dio ovog blagoslovljenog trenutka, svjetlosti koja se ukazala na ovom obzoru.

Isto tako vas želim pozvati da ne zaboravite ni zemlju vašeg porijekla: svoju domovinu Bosnu i Hercegovinu. Tamo su vaši korijeni; tamo je naše sjećanje i naš zajednički duh. Čuvajte tu nit zajedništva s domovinom i učvršćujte je još više. Jer, vi ste bez nje jedno ostrvce u moru, a ona bez vas će biti tužna i osiromašena.



Naša domovina još je u poteškoćama i pod okrutnim jarmom agresivnih ideologija i nasrtaja njenih susjeda koji ne odustaju od stalnih provokacija i prijetnji. Naša je obaveza da im se suprostavljamo i branimo zemlju. Naše zajedništvo u Islamskoj zajednici, jedan je od važnih stubova za očuvanje naše domovine. Apeliram na vas muslimane u Sloveniji da budete toga svjesni i da ne dozvolite narušavanje našeg zajedništva. Molim vas da pomognete u tome, jer su nam potrebni vaša umješnost, vaše evropsko iskustvo i snaga vašeg zajedništva. Neka nam Bog svima pomogne u tome.

Allahu Uzvišeni!

Daj nam snagu da iz poteškoća nađemo izlaz.

Daj nam mudrost da u susretu s drugima ostanemo dostojni Tvoje Riječi.

Pomozi našoj braći i sestrama čiji su životi ugroženi i koji ne žive u miru.

Spusti Svoju milost na našu zajednicu i osnaži nas u našoj namjeri da opstanemo čvrsti i uspravni u čistoj vjeri u Tebe.

Smiluj nam se, o Milostivi, i nemoj nas napustiti. Uputi nas na Svoj put i daj nam snage da njime smjelo koračamo!

Amin



POZIV NA SARADNJU

Oglasite se i Vi u Biltenu IZB u Švedskoj!

Javite nam se sa vašim tekstom, prijedlogom, primjedbom i sugestijom.

e-mail: bilten@izb.se

BILTEN

Informativne novine

**Islamske zajednice
Bošnjaka u Švedskoj**

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Hasan-ef. Jašarević
Fuad-ef. Čolić
Elvedin-ef. Bešlija

**SARADNICI U OVOM
BROJU:**

Merzuk-ef. Hadžirušidović,
Stockholm

Hfz. Jusuf-ef. Horozović,
Norrköping

Stari brojevi/arhiva:

[www.izb.se/index.php/
bilten](http://www.izb.se/index.php/bilten)